

Na osnovu provedenog postupka javne nabavke putem konkurentskog zahtjeva za dostavljanje ponuda za nabavku roba za potrebe Ekonomskog fakulteta u Sarajevu, broj obavještenja o nabavci na Portalu javnih nabavki, 101-7-1-20-3-6/20 od dana 16. 09. 2020. godine i Odluke o izboru najpovoljnijeg ponuđača br. 01-3-4033-R-IP-1-20/20 od 07. 10. 2020. godine, zaključen je

**OKVIRNI SPORAZUM
O NABAVCI KANCELARIJSKOG MATERIJALA
LOT 1. (Kancelarijski potrošni materijal)**

1. **Bosna i Hercegovina, Ekonomski fakultet u Sarajevu, ID br. 4200735430002, kojeg zastupa dekanesa, prof. Dr. Jasmina Selimović (u daljem tekstu: Ugovorni organ), i**
2. **„R&S“ d.o.o. Sarajevo, ul. Igmanska br. bb, 71320 Vogošća, ID. br. 4200056290005, koga zastupa direktor Kemal Selmanagić (u daljem tekstu: Dobavljač)**

I PREDMET OKVIRNOG SPORAZUMA

Član 1.

- (1) Predmet ovog sporazuma je nabavka kancelarijskog materijala za potrebe Ekonomskog fakulteta u Sarajevu, a prema važećem cjenovniku koji je sastavni dio Okvirnog sporazuma.
- (2) Ovim Okvirnim sporazumom ugovorne strane su saglasne da će u toku ugovornog perioda, zavisno od potreba Ugovornog organa, zaključivati pojedinačne Ugovore za isporuku roba koje su predmet ovog Okvirnog sporazuma.

Član 2.

Ugovorni organ naručuje predmetne robe a Dobavljač prihvata da isporučuje iste, a na osnovu provednog postupka javne nabavke putem Konkurentskog zahtjeva i Odluke Ugovornog organa o izboru najpovoljnijeg ponuđača.

Član 3.

Ugovorni organ i Dobavljač su saglasni da Okvirni sporazum realizuju prema već definisanim uslovima u Obavještenju o javnoj nabavci putem Konkurentskog zahtjeva (u daljem tekstu: Obavještenje) i prema Tenderskoj dokumentaciji za ugovor o javnim nabavkama roba (u daljem tekstu: Tenderska dokumentacija) i to:

- (1) Ugovorni organ prema zahtjevima u Obavještenju i Tenderskoj dokumentaciji
- (2) Dobavljač, prema dostavljenoj ponudi i dokumentaciji sa preciziranim ponuđenim uslovima u prijavi na konkurentski zahtjev.

II UGOVORENA CIJENA, GARANCIJA ZA DOBRO IZVRŠENJE POSLA, OBRAČUN I NAČIN PLAĆANJA

Član 4.

1. Na osnovu Okvirnog sporazuma, Ugovorne strane će zaključiti pojedinačne Ugovore sa rokom važnosti ukupno do važnosti Okvirnog sporazuma, zavisno od potreba Ugovornog organa, a pod uslovima utvrđenim u Obavještenju o javnoj nabavci i tenderskom dokumentacijom i u skladu sa odredbama Zakona o obligacionim odnosima.
2. Ugovorni organ utvrđuje garanciju, bezuslovnu bankovnu garanciju za dobro izvršenje posla na iznos od 10% (deset posto) od vrijednosti okvirnog sporazuma/pojedinačnog

ugovora (u zavisnosti kako se dobavljač izjasnio u ponudi da će dostavljati bankovnu garanciju) - sa periodom važenja 30 dana dužim od važenja okvirnog sporazuma ili pojedinačnog ugovora, naplativom na prvi poziv.

3. Bezuslovna bankarska garancija za dobro izvršenje posla će poslužiti za pokrivanje stvarne štete i troškova koje Ugovorni organ može imati ukoliko Dobavljač prekrši odredbe zaključenog Okvirnog sporazuma.
4. Ako Dobavljač kojem je dodjeljen Okvirni sporazum prekrši ili ne izvrši odredbe istog, Ugovorni organ će realizirati bankovnu garanciju izvršiti raskid Okvirnog sporazuma.
5. Dobavljač je dužan u roku od 10 dana od dana prijema Zahtjeva od strane Ugovornog organa dostaviti bankovnu garanciju na iznos koji će biti ekvivalentan procentu od 10% (deset posto).
6. U slučaju da Dobavljač ne dostavi bankovnu garanciju u roku od 10 dana od dana prijema Zahtjeva od strane Ugovornog organa, Okvirni sporazum/pojedinačni ugovor će se smatrati apsolutno ništavnim, a postupanje dobavljača teškim profesionalnim prekršajem.

Član 5.

U obim roba iz člana 2. ovog Okvirnog sporazuma podrazumijevaju se sljedeće robe po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi):

Član 6.

- (1) Ugovorni organ će dobavljača pozvati na potpisivanje pojedinačnih ugovora koji proističu iz Okvirnog sporazuma.
- (2) Dobavljač se obavezuje odazvati pozivu Ugovornog organa za potpisivanje pojedinačnih ugovora na mjesto i vrijeme koje zakaže Ugovorni organ.
- (3) Rok za potpisivanje ugovora je minimalno 3 dana od upućivanja poziva na potpisivanje, a maksimalno do 5 dana od dana upućivanja poziva.
- (4) Ukoliko se dobavljač ne odazove na poziv Ugovornog organa, te na navedeni način ugrozi poslovanje i snabdijevanje ugovornog organa robama koje su predmet Okvirnog sporazuma, Ugovorni organ će sa isitim raskinuti Okvirni sporazum zbog teškog profesionalnog prekršaja - neurednog izvršenja ugovora.
- (5) Dobavljač se obavezuje vršiti kompletnu isporuku roba po narudžbenici po kojoj je roba naručena.
- (6) Dobavljač se obavezuje za svaku dostavljenu narudžbenicu ispostaviti posebnu otpremnicu i posebnu fakturu na kojima će biti naveden broj Narudžbenice po kojoj je izvršena isporuka i iste ovjerene potpisom i pečatom dobavljača.
- (7) Dobavljač se obavezuje da svaka pojedinačna stavka na otpremnici i fakturi ima identičan opis kao i u osnovnom ugovoru.
- (8) Dobavljač se obavezuje da će obezbjediti prioritet snabdjevanja robama koje su predmet Okvirnog sporazuma/ugovora Ugovornom organu, i da će tijekom cijelokupnog trajanja Okvirnog sporazuma/ugovora isporučivati robe koje su specificirane u ponudi i Okvirnom sporazumu/ugovoru.
- (9) Izuzetno ukoliko je artikal ponuđen u ponudi i Okvirnom sporazumu/ugovoru postao nedostupan na tržištu usljed više sile, dobavljač može podnijeti pismeni zahtjev sa dokazima ugovornom organu da mu se odobri isporuka ekvivalentnog artikla istog ili većeg kvaliteta od artikla navedenog u ponudi i Okvirnom sporazumu/ugovoru.
- (10) Ugovorni organ može odobriti isporuku ekvivalentnog artikla jednagog ili višeg kvaliteta po istoj jediničnoj cijeni navedenoj u okvirnom sporazumu/ugovoru, samo u izuzetnim slučajevima više sile, koju dovaljač dokaže.

- (11) Pod višom silom se podrazumjeva slučaj kada isporuka ponuđenog i ugovorenog artikla iz Okvirnog sporazuma/ugovora postane nemoguća zbog vanrednih vanjskih događaja na koje Dobavljač nije mogao uticati niti ih predvidjeti u momentu podnošenja ponude.
- (12) Ugovorni organ zadržava pravo provjere svih navoda i dokaza od strane dobavljača.
- (13) Dobavljač se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće.
- (14) Ugovorni organ će plaćati fakture za isporučenu robu u roku do 30 (trideset) dana od nastanka obaveze iz stava (1) ovog člana.

III ROK, MJESTO I NAČIN ISPORUKE ROBA

Član 7.

- (1) Dobavljač se obavezuje da će u skladu sa članom 2. i 5. ovog Okvirnog sporazuma isporučivati robu Ugovornom organu, u skladu sa potrebama i narudžbama iskazanim u pismenom obliku.
- (2) Dobavljač se obavezuje dostaviti robu Ugovornom organu, propisanog kvaliteta, u traženim količinama i u dogovoreno vrijeme.
- (3) Dobavljač se obavezuje na isporuku roba koje su predmet ovog sporazuma najkasnije do 72 (sedamdesetdva) sata od momenta prijema pisane narudžbenice od strane Ugovornog organa;
- (4) Mjesto isporuke roba je Ekonomat Ekonomskog fakulteta u Sarajevu, Trg oslobođenja - Alija Izetbegović br. 1, Sarajevo
- (5) Dobavljač je dužan da robu istovari, nakon toga se vrši kontrola i preuzimanje isporučene robe u Ekonomat.

Član 8.

- (1) Dobavljač se obavezuje da će isporuku robe koja je predmet Okvirnog sporazuma izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.
- (2) Ugovorni organ je dužan da dostavi pismeno obavještenje o svakom navodnom propustu Dobavljača po Okvirnom sporazumu.
- (3) Ugovorni organ će utvrditi razuman rok za ispravku propusta Dobavljača u smislu izvršene nabavke i isporuke.

Član 9.

Dobavljaču se postavlja uslov da nema pravo da zapošljava, u svrhu izvršenja ovog Okvirnog sporazuma, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Okvirnog sporazuma, najmanje šest mjeseci po zaključenju istog.

Član 10.

- (1) Robe utvrđene ovim Okvirnim sporazumom moraju biti isporučene kvalitativno i kvantitativno kako je utvrđeno tenderskom dokumentacijom i zahtjevima Ugovornog organa.
- (2) Ugovorni organ ima pravo stručnog kontroliranja kvalitete isporučene robe a Dobavljač je u obavezi kontrolu omogućiti. Stručna kontrola podrazumijeva da li isporučena roba odgovara ugovorenoj robi, dali je roba oštećena i rok trajanje robe.
- (3) Dobavljač se obavezuje da će sva roba koju će isporučivati Ugovornom organu biti označena i deklarirana u skladu sa važećim Zakonom o standardizaciji, Zakonom o vanjsko-trgovinskom poslovanju, te drugim važećim propisima.

Član 11.

- (1) Ovaj Okvirni sporazum se zaključuje za ugovorni period do 24 mjeseci.
- (2) U slučaju eventualnih primjedbi Ugovornog organa na kvalitet i količinu isporučene robe, Okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Okvirnog sporazuma.
- (3) Odredbe ovog Okvirnog sporazuma ne mogu se mijenjati nakon njegovog zaključenja.

IV UGOVORNE KAZNE I NAKNADA ŠTETE

Član 12.

- (1) U slučaju kašnjenja u isporuci roba, do kojeg je došlo krivicom Dobavljača, isti će platiti Ugovornu kaznu u skladu sa Zakonom o obligacionim odnosima u iznosu od 1% ukupne vrijednosti narudžbenice po kojoj je došlo do kašnjenja (i u slučaju djelimične isporuke -- kašnjenja, kamate se obračunavaju na ukupnu vrijednost narudžbenice), za svaki dan kašnjenja do urednog ispunjenja, a najdalje 10 kalendarskih dana s tim da ukupan iznos ugovorene kazne ne može preći 10% od ukupne vrijednosti narudžbenice.
- (2) Za kontinuirana kašnjenja u isporuci roba i ne isporuke ugovorenih i naručenih roba do kojih je došlo krivicom odabranog Dobavljača, Ugovorni organ ima pravo raskinuti Okvirni sporazum uz naplatu bankovne garancije zbog teškog profesionalnog prekršaja neurednog izvršenje ugovorenih obaveza.
- (3) Ugovorni organ neće naplatiti ugovorenu kaznu ukoliko je do kašnjenja došlo usljed više sile i promjenjenih okolnosti za koje dobavljač dostavi dokaze/potvrde od strane proizvođača artikla ili ovlaštenog zastupnika za tržište Bosne i Hercegovine. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti. U slučaju kada dođe do promjene na deklaraciji proizvoda nastalo promjenom distributera, proizvođača, gramaže ili zemlje porijekla ugovorenog proizvoda, ali ne i robne marke i kvaliteta proizvoda, ugovorni organ neće naplatiti ugovorenu kaznu.
- (4) Ukoliko Dobavljač na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Okvirnog sporazuma kao i pravo na naknadu mogućeg nastanka štete zbog neispunjenja Ugovorne obaveze.
- (5) Dobavljač je obavezan odmah po saznanju da neće biti u mogućnosti realizovati ugovorenu obavezu obavijestiti Ugovorni organ o navedenom pismenim putem (email, dopis i sl.) i dostaviti dokaz da je prema proizvođaču artikla, odnosno ovlaštenom zastupniku uputio pismeni zahtjev o potvrdi svih navoda i tvrdnji Dobavljača, te ponuditi zamjenski artikal koji zadovoljava uvjete postavljene u tenderskoj dokumentaciji. Ponuđeni zamjenski artikal mora biti iste ili više kvalitete od ugovorenog. Ugovorni organ je dužan odobriti isporuku ekvivalentnog zamjenskog artikla (ukoliko ispunjava uvjete ekvivalentnosti) samo prilikom konkretne isporuke za koju je traženo, kako bi se ostavio vremenski okvir od 7 (sedam) dana da Dobavljač dostavi dokaze od proizvođača artikla ili ovlaštenog zastupnika da traženi artikli više nisu dostupni na tržištu. Ukoliko Dobavljač dostavi tražene dokaze uz iste je dužan dostaviti i zahtjev za odobrenje isporuke zamjenskog artikla usljed više sile. Zamjenski artikal mora zadovoljavati sve uvjete postavljene u tenderskoj dokumentaciji, odnosno isti mora biti jednake ili veće kvalitete od ugovorenog. Ugovorni organ će obavijestiti Dobavljača o odobravanju ili ne odobravanju zamjenskog artikla u roku od 48 (četrdesetosam) sati od zaprimanja zahtjeva. Dok teče navedeni rok od 48 (četrdesetosam) sati penali se neće obračunavati.

V ZAVRŠNE ODREDBE

Član 13.

Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 14.

Svaka od ugovornih strana može otkazati ovaj Okvirni sporazum pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima i ovim Okvirnim sporazumom.

Član 15.

Za sve što nije regulisano ovim Okvirnim sporazumom, primjenjivat će se odredbe Zakona o obligacionim odnosima.

Član 16.

- (1) Ovaj Okvirni sporazum stupa na snagu danom potpisivanja obje ugovorne strane, ili:
 - naredni dan od dana potpisivanja ukoliko se dobavljač u ponudi izjasnio da će bankovne garancije dostavljati na pojedinačne ugovore,
 - momentom dostave bankovne garancije za dobro izvršenje ovog okvirnog sporazuma ukoliko se dobavljač izjasnio da će bankovnu garanciju dostaviti na okvirni sporazuma.
- (2) Ukoliko dobavljač odustane od potpisivanja okvirnog sporazuma/pojedinačnog ugovora navedeno se smatra teškim profesionalnim prekršajem.
- (3) Primjena okvirnog sporazuma/pojedinačnog ugovora počinje teći od dostave bankovne garancije Ugovornom organu od strane Dobavljača, a najdalje 10 dana od dana obostranog potpisivanja ovog sporazuma/pojedinačnog ugovora, u protivnom Okvirni sporazum će se smatrati apsolutno ništavnim, te navedeno će se smatrati teškim profesionalnim prekršajem, a počinje se primjenjivati nakon isteka važećeg Okvirnog sporazuma 23. 11. 2022. godine.

Član 17.

Ovaj Okvirni sporazum je sačinjen u 4 (četiri) istovjetna primjeraka, od čega svaka ugovorna strana zadržava po 2 (dva) primjerka.

DOBAVLJAC
DIREKTOR
Kemal Selmanagić



Broj:
Datum:

587/20
02.12.2020

UGOVORNI ORGAN
DEKANESA
Prof. dr. Jasmina Selimović

Broj: 01-3-4033-R-IP-1-22/20
Datum: 23. 11. 2020. god.

Jasmina Selimović